

南有堂詩集



南石堂詩集卷之五

太原王穉登著



五言律詩

燈上人重脩積善菴

欲布黃金地還憑白足僧因脩久廢剎再續不傳
燈引蔓壺懸屋垂花豆滿棚誰云有爲法龍象待
重興

送謝伯元還閩

涼風吳市早遊子夜彷徨不肯共明月其如懷故

鄉亂山歸去路千卷客中裝莫道無衣寄炎州未
有霜

送戚不磷遊梁訪馬使君

入洛年猶少遊梁道始尊晴雲瞻女几荒草問夷
門河決龍蛇走田空鳥雀喧匣中看匕首欲報信
陵恩

贈雲隱顯公

跌坐雲林下那知歲月遷觀身霜後菊問法火中
蓮每示清羸疾能超忍辱禪湯休雖漸老秀句似
當年

與順公同宿顯元康雪晴雷雨夜作

虛齋疑對雪深夜忽聞雷電影侵紅燭簷聲近綠
杯食毛知土瘠生耳懼禾災一聽真如義天花
座來

王卜卿遺然齋夜集

共倚清溪悼寒星聚一堂問年俱白髮行樂有紅
粧澤國傷秋滯征人怯夜霜陶公好飲酒肯使
田荒

周汝賢席上贈妖寄生

把酒遙相待移舟夜忽過袖思寒倚竹穢恐濕

波飲劇消銀蠟愁深損翠蛾
文園亦消盡
遊何

登慈感寺閣

百尺旃檀閣危梯少客行棟雲迷旦暮簷鳥識
晴雪水爲慈水茗城卽化城亂山青入牖一半不
知名

客居慈感喜茅孝若見過

夜行踰百里就我過祗園久別人將老新晴鳥散
喧殺青文苑事守黑道家言今古浮雲態悠悠誰
可論

重遊鐵佛寺懷故學博文休承父子

仙侶爲禪侶經堂接講堂
片宮懷往哲蓮社禮空
王書草已無色曇花猶自香
竹房曾坦腹灑淚向
東床

至日白雀寺書唐相李公垂碑

問法禮空王題碑上鴈堂
書慚王內史文重李平
章洗硯慈波綠揮毫慧日長
靈花兼忍草一半已
隨陽

不醉

不醉烏程酒蕭然客計窮
山城寒帶雪澤國夜多

風舌笑張儀在囊嗟趙壹空無書寄鄉井安用送
歸鴻

寄襲公

昔年過半偈贈布作田衣掉臂不肖受袒肩空自
歸山雲從鉢起海鳥遶床飛門外蒼苔厚遙聞出
院稀

元日燈上人法臘

僧臘逢元日靈花滿砌塗門人談貝葉檀越飲屠
蘇雪片庭中積松陰座上敷却思童子事湯餅設
茶瓠

送威不磷出塞

雪霽馬蹄輕長歌出塞聲將軍有揖客胡虜莫橫
行邊草暫時綠障燠何日清非君負竒策誰宜請
長纓

少宰趙汝師輓歌

虎豹正當關曾將殿檻攀霜常封諫草月已賜刀
環位未登黃閣身先葬碧山琴川雨後急彷彿淥
潺湲

北關心猶戀東山計忽聞龍蛇不在歲蜂蠆正爲
群友道嗟張耳君息歎漢文似傷塵世濁揮手謝

浮雲

初夏還家

去日櫻桃小歸來竹箭長青團扇片月白練着輕
霜下里能調曲西隣舊賣漿已推鄉祭酒猶逐少
年場

答汪山人

潤世窮交士藏名隱者流孤雲長作伴五月正披
裘海外戰方苦江南餉不休囊中千首在未可覓
封侯

豈必羔與雁投人錦字篇也清當夏暑竹聚小亭

煙竄寬鷗夷酒幾希撲滿錢江倫君莫是余愧李
青蓮

答錢思靜

河汾門下士一半取公卿與爾同雖伏相看白髮
生落花千萬點啼鳥兩三聲又掛孤帆去煙波無
限情

曹徵君以新輓歌

少微光慘淡處士喪吳門當戶惟猶子遺孤是外
孫蛻蟬先委露化鶴未歸魂他日論封禪相如草
尚存

淳乎非辨士方朔喜詠諧寵罷龍陽袖歡銷燕子
釵香名元不朽俠骨已先埋莫恠離塵壙乾坤重
虎豹

國僑悲罕虎蒙莊悼惠施同心既已失後苑獨何
爲未定黔婁謚誰題郭泰碑憐才單父令爲爾淚
交頤

贈語公

水月澄慈性風塵暗法顏詔從金殿出錫掛紫衣
還蜃氣浮香刹熬身負寶山秦川天萬里何處是
鄉關

恭讀 明詔志喜

丹鳳銜來詔淋漓暴未乾易絃知改美解網覺恩
寬左藏封何速輪臺悔不難征東諸將士急爲破
樓蘭

一言星退舍況乃語諄諄袞職元無關天心本在
仁棟焚悲燕雀殿燧惜麒麟他日中興業論功在
徒薪

張羽王別駕輓詩

仕途元躡躓仙路竟徘徊紅粉誰能殉黃金不
來筆將花作塚書共草成臺昔日棠陰在空

蒼宸赫赫於東書
化鶴今安在騎鯨事有無
炎洲嗟失桂棹空幸
維著述堪千古才名繼兩都
題詩還灑淚萬里代
生芻

送王季良北上

一經傳豸史兩世拜鴻臚
代習朝儀事家存玉佩
圖萬方空玉帛三殿已榛蕪
天語如相問東人願
稍蕪

東夷

屬國藩籬撤東夷欲內侵
空以南越甲日請尚方

金江海非天險鯨鯢啓禍心
携家思避亂何處自
雲深

樂浪城新破玄菟郡又亡
可憐箕子國遽屬夜郎
王烽火連馮翊軍書達未央
如何漢天子猶未御
明堂

送李本建試南宮

匹馬上西京還隨計吏行
誰云秦博士復作魯諸
生譏國人猶在和戎議
不成天人二三策論相勿
論兵

送周元素參軍轉餉之京

携家從閩海轉餉向長安
雞肋功名薄羊腸道路
難鷓鴣過嶺盡荔子入秋
殘莫問東方事唇亡齒
漸寒

送熊尉上計

梅福真仙侶趨朝報政成
不同鳧鳥去先杖馬箠
行瓦礫盈宮殿烽燧滿塞
城微官憂國計亦可達

承明

讀邢子愿謝客疏

絕交書似晉逐客令非秦
薛邑錢無券萊蕪甑有
塵俗峯迴片羽沛水斷織
鱗從此桃源路漁郎莫

問津

贈夏亭長

採芝梅尉去君復隱吳門
蕪吏無田宅他鄉長子
孫歲星黃髮老祭酒布衣
尊滄海干戈滿桑田且
勿論

答陳中丞思進

五羊時極目雙鯉忽相遺
莫問江南事難忘嶺外
期桃根王氏妾芝草謝家
兒若不依嚴武干戈欲
傍誰

題柴賓王翠雲館

家似篋管谷脩篁出屋高翳雲涼不夏積翠取連
朝易性藏林說人情對酒豪汝南聞畫諾爲有范
功曹

劉公晦過訪

千里勞相過思家卽賦歸東來邊事棘南去故人
稀抱葉蟬先稿辭巢燕不飛與君談半偈惟有佛
堪依

郁長樂文叔輓歌

交自奇衿日喪間墨綬年容華無六十仕路有三
千黃犢留還縣紅蕉載在船平生一七首晚掛墓

門前

非貪綦組貴欲博紫泥封父像携千里君恩隔九
重馬高前度骨令瘠舊時容不待招先返覓歸江
上峰

客中冬熱

十月淮南熱遊蜂出野田花餘待霜菊葉騰過秋
蓮屨薄何妨葛衣單不受絲題書寄小婦絃扇莫
相描

爲陳師洛使君倬馬

失馬意悽悽房星落海堤晚空池上浴風嘶

嘶誰買黃金骨爭憐碧玉蹄
敝幃恩不薄荒草夕陽西

遊嚴汝益園林

名園臨大野寂寂少遊人
地有前朝木居無並舍
鄰水枯萍附石厨冷葉供薪
不待花迷客悠然可避秦

答門人陳旃父見懷

莫問臨邛客窮冬正憶家
霜天難見橘酒井不宜
茶紙價從他貴書名借汝
誇太玄俱覆誰何以答
侯芭

至日雪得家書

至日猶微雪飄飄點客裾
他鄉一綫日故苑萬金
書向樹拜烏鵲開厨烹鯉魚
遙憐楊子宅飛絮滿
吾廬

留別園亭主人陸功曹

久客臨邛縣多君重馬卿
官留行李任自掃落花
迎月滿來時路江深別後情
功曹能致王勝作一
書生

登白毫閣禮佛

十旬淹逆旅三徑翳蓬蒿
事佛何須俟安禪豈謂

逃空持半偈久未息萬緣勞欲照迷方悞無過
白毫

嫁女

婿歸窮次骨女嫁病傷神向子累猶在隱之家更
貧苦無生母送幸與阿翁隣但學齊眉婦休憐白
髮親

殺日飲錢次父宅

殺日喜新晴田家十五行乍鉤鯨海甲將事鹿門
耕歲酒傳鄉社辛盤過友生豐年預有兆燈火動
春城

與印順二上人山樓對雪

盡日無人迹空林晝掩聞雲迷過橋路雪暗上樓
山凍鳥不飛去孤僧只自閒如聞廣長舌濺瀑響
潺湲

答彭次嘉時寓蕭寺

小姑丞相女當日嫁彭郎黃閣親雖近青山興獨
長寺爲臯氏廡書作陸生裝看竹同余好頻來過
草堂

東風吹弱柳池上鳥嚶嚶賴有同心侶來聽求友
聲蓮荒慧遠社草滿闔閭城底事長彈缺嘉魚日

可烹

寄朗初上人

六月東遊客，迴舟憶去年。塵栖會稽竹，水澗若耶蓮。五井遙通海，群峯青刺天。因之懷小朗，誰共醉

中禪

三月望日彭次嘉毛豹孫錢象先諸君集齋

中

春日寡來轍，良明欣偶逢。鶯花三月望，鷄黍一樽同。垂柳縈煙碧，殘桃帶雨紅。處堂非不慮，強笑對春風。

寒食雨中入山

亂山藏別墅，風雨亦來看。遊女桃花扇，幽人竹籬冠。佛香煙不滅，僧飯火初寒。宇內方多事，吾將賦考槃。

送黃別駕受我致仕還溫陵因寄其弟郡丞時事不可測，知君懷隱憂。安能搏豺虎，且自狎鷗鷗。遂許辭官去，其誰爲國留。刺桐花下酒，歸與季方遊。

病中孫汝師贈牡丹

似憶文園卧，春風贈牡丹。對花勝服藥，把酒

欄一尺紅心暈于重紫艷攢知君能好我所惜不
同看

立夏日陸叔貞見過

病久看新綠春歸對故人
絳裁白團扇葛製紫絳
巾
鴉鳩南蠻舌櫻桃少婦唇不妨沾一石家與賣
漿隣

賦得愛妾換馬

桃花方授鞶翡翠遽分釵已負龍媒癖何辭鳳侶
乖追風馳太迅行雨夢難諧粉淚兼朱汗臨岐兩
繫懷

太霞洞

山南天萬里古洞闕仙家苔護千年籙窗合五色
霞昔賢拋綠綬於此訪丹砂一自乘煙去瑤竈空
落花

西嶽

太華近青天崑崙青漢邊
鳥聲曾不上猿掛自相
緣誰掃明星石空懷玉井蓮
何時駕下鶴揮垂
蒼煙

齋中蘭花盛開順義二上人見過

秋雲隨杖錫同過野人家
次出初成果

是日六月

蘭薰幽花香風薰几席甘露池
清芬亦自嘉

送錢象先楚遊

七夕仍佳節三湘乍遠遊
猿啼巫峽夜人到清宮
秋作客隨鷗鷺離家望
女牛所嗟王粲老不得
共依劉

戚戚遠行邁悠悠空問津
魚難免生釜豈樂依人
蘭芷今浮楚桃花昔避秦
鹿門山可買余亦願

小却

小馬復脂車出門安所如
暫攀吳地柳去食武昌

魚身世悲巢幕乾坤問
卜居衡陽元不到莫使
無書

十道中常侍誅求柰若何
陸須防虎兕江莫犯龍
鼉風逐青蘋起洲經白鷺
過楚王筵上醴歸計恐
蹉跎

七月十四夜月

坐久拋絛扇涼風夜颯然
雲當秋漸淡月近望將
圓樹冷蟬初寂河明鵲
罷填笛中吹折柳思婦
不能眠

中秋前一日送陳旃父遊齊雲

白岳向誰邊新安高迫天秋當明日半月較昨宵
圓浙水曲如綫巖灘逆上船余方厭塵累送子賦
遊仙

過談思重故宅

蕭瑟平泉豐池臺易主看橋危重貼石樓廢孰凭
欄衰柳無全樹疎篁只數竿當年公子客猶賸老
馮驩

孫以德齋中夜集

山公邀卜夜把酒意懸懃金馬誰云厭銀魚未可
焚庭非溫室樹恣有惠山雲鶴立風塵表亭亭自

不群

保安寺

破殿何年寺殘碑紀赤烏瓦穿藤尚蓋梁壞木難
扶落葉如相笑寒蛩只自呼遠公常送客曾過虎
溪無

贈族人弟

吾弟亢吾宗柴門對遠峰起家勤百畝課子足
冬婚嫁隨時俗親朋半老農祇今年六十善飯未
龍鍾

王承父輓詩

芙蓉新起閣蓮葉舊名舟作客常浮海還家得首
丘墓將嚴助近神與杜康遊掛劍何人至司徒願
虎頭

遊嶽嗟幾始沈淵幸更生病中消酒力身後定詩
名高士風何忝中人產僅成子真今已矣悲動漢
公卿

已知身是列安事雍門哀水鳥窺棋局溪雲墮酒
杯素車丞相弔驄馬惠文來傾動旅蘆邑何堪賣
夜臺

得錢象先荆南書

山川搖落後喜得故人書日日荆門樹家家污水
魚巴江聞亂峒吳苑歎離居何不謀歸計淹留及
歲除

立春日劉子成見訪有贈賦答

促促歲云暮熙熙春復回喜逢藜杖出先過草堂
來驄馬三朝老雕龍百代才明時正多事莫惜
蒿萊

長者停車轍東風巷柳斜香浮隣舍酒春近縣門
花黃髮無機事青陽收歲華子雲多識字何堪
侯芭

柳色弱堪把禽言嬌可聽冰消池水綠煙霽竹林
青朝列推耆舊家邦重典刑金門老方朔誰識
星精

春色曉蒼蒼春風到草堂猶龍瞻李耳題鳳過稽
康戰伐何時罷文章此道荒詞人今寂寞君是魯
靈光

早春寄趙凡夫

乍翻新歲曆始覺去年春白首忘機事青山懷故
人漸看松柏大轉與鹿麋親不可墻東隱移家願
卜隣

山莊月下看梅與印師

人迹杳然絕山空春夜長泉聲橋外雨花氣佛前
香寒犬吠林影幽禽啼月光欲觀心不染潭水對
支郎

贈無二和尚父爲柱史

年少出名宗辭家是遠公剃頭滄海上駐錫楚山
中一着袈裟後都將軒冕空豸冠能逸子裴相有
遺風

送溫允文借朱太史北上

太史邀詞客同舟野服宜遊從都市廣名

知東觀容分榻西清許對棋

聖人如召問其

浩然詩

送朱文寧太史使楚還朝

木落浮湘水鶯啼返石渠
桐圭隨漢使藜火伴臚
廬焚道交烽燧巴江急羽書
君王將諭蜀何不

命相如

呆公携詩見訪

衣裳山氣碧來過草堂前
松下支郎鶴池中惠遠
蓮旣參龍象法兼覽蝨魚編
詩似寒潭月清江後
皎然

禮法誠何物譏呵却到君
有身元有患無耳亦無
聞定後花千點齋時鳥一
群欲將人境隔須掃北

山雲

雨花臺

寶地經過過香臺眺望頻
獨尋黃葉寺不見雨花
人江淨千帆小天空一鴈
新長安何處是極目是
傷神

送僧智廣還西域

白馬馱經路來時萬里賒
罽衣身毒雪筇杖劍門
花文字金從梵聲音已變
華吳山分手去西望指

流沙

百舌

小鳥何其佞間關有底忙五更殘月下千轉小樓
傍密葉藏身穩炎風逞舌長如何過夏至猶自巧
如簧

荅黃朝燭寺居對月見懷

月照黃金剎涼生白苧衣鳥聲栖竹盡螢火隔籬
微淨土元無暑空門可息機如何十步地未得共
清輝

顧世叔輓詩

誰覓萬年藥空遺五岳筇身元同夢蝶名不藉
蟲白社求留偈黃花想病容吳山掛衲處何處
雲封

委化去翛然不爲兒女憐旣空無始劫安問再來
年成佛居誰後生天在我前他年埋骨地石上吐
青蓮

哭徐惟和

莫歎多情死飄悲生者勞分釵留燕子斷衲掛
桃鏡裏紅顏盡丘中白骨高古來賢達士若箇不
蓬蒿

園居

十載經營畢幽人宅一區市喧堪比晏園小不如
庾樹色陰晴變禽言且暮殊四方靡所騁雲外
潛夫

手種垂楊大長條蘸碧流潭聲鳴晚照鶴毳落清
秋南巷將軍樹西隣賣酒樓醉鄉吾不入何計
封侯

半傷無人問何須論五車放魚全帶子摘豆半連
花兀坐堪忘世冥心當出家移來雉兒塔不必聚
河沙

錦帆溼似綾過雨尚濺濺伯業今安在雉名只浪
傳絮非前代柳藕失舊官蓮寂寞池邊樹空餘一
釣船

服散衰顏駐藏書隱計成髮同秋草短心比暮潭
清木槿齊榮悴蟬蛩寄死生寥寥楊子宅猶有校
書名

睽經臺畔石三度產靈芝采采非梅尉亭亭豈謝
兒金光晨露浥紫氣夕霞披未必成嘉瑞無根
自奇

一畝空池上旌旄屢見過魚勞頰尾盡鳥倦日

多捫虱非吾事停鶯柰爾何衰翁與枯樹相對共
婆娑

問竒車轍滿門設不容關雨沒池邊石雲添樹裏
山女孱羔失乳兒長豹成斑湯道墻東隱高風未
可攀

糟丘既渺茫麴社亦荒唐花到牽牛碧蟲初化蝶
黃身危如集蓼賦重莫栽桑安得中山釀吾將祝
杜康

雖謝催租吏猶嫌載酒賓灌園同仲子避世豈秦
人不雨花如泣無處柳亦單如何處堂燕莫與共

悲字

中秋日傳仲執來自李本寧所不待月卽去
桂魄今宵滿留君把綠觴樓臺全傍水竹樹易生
涼楚客悲秋早吳歌卜夜長如何卽分去不肯共
清光

孫齊之後君輓詩

海曲明星隕江南處士亡松風空舊榻蘿月暗虛
堂身乍成蝴蝶雛方起鳳凰從今養生論不復信
嵇康

虞仲山無色言公井亦枯形初離塵壙名已

都有道碑成未黔婁謚定無哀哀聞孝子
頭烏

枕流懷勝侶嘯樹憶仙人誰療瘴霞疾空嗟
身黃金難鑄像白首易傷神東望琴川路猶疑
未真

臨流常縱筆賭墅獨耽棋逸氣凌千古高風重一
時鄉人亡祭酒詞客罷談詩化鶴歸來日乾坤未
可知

義公歸自都門

來往燕山路秋風舊逕荒施金求國母脩塔報

先皇沾笠皆一雨薰衣有御香莫談山鬼事聞見
雨俱忘

霜降日偕仲兒入山訪虺凡夫

携兒長別墅訪隱步前岡晴壑泉爲雨寒林月是
霜飯香新稻熟衣煖薄綿裘明日西巖路村村未
葉黃

同凡夫步至放鶴亭

躋攀何處近支遁在東鄰松冷雲歸寺山空月
人僧來談白法鶴去畏紅塵與子同心侶相期作
道民

澄照寺

寒日下斜曛川原望不分鶴迷丁氏井龍識銀蟾
墳山路踏黃葉僧堂掃白雲何心逐朝市將與處
廉群

顧大有先生墓

徵君埋玉地松栢盡爲薪荒塚無人拜空山與足
鄰張羅門巷改織席子孫貧腹痛言猶在停車淚
滿巾

重遊雲泉菴

舊遊還彷彿重禮佛前燈廢井泉俱溢層厓石欲
崩半凋空腹樹久病白頭僧濟勝非前度危峰豈
不能

齒落

齒落知衰甚朝來懶下床菜元輸舌在寒不爲唇
亡漱石真無計含飴亦未妨薄糜堪當乳吾豈學
張蒼

疎豁從來久凋零漸已多自憐同折屐非是爲後
稜鷄肋從今棄熊蹯柰爾何依然稱任達曼嘯且
狂歌

贈中涓出家獻公

祝髮辭 明王空門夏臘深
嚙懸內家續經寫而
方金法界蓮花藏香雲
蒼荀林披庭諸伴侶苦
海正沉沉

飲黃伯傳蕭蕭齋齋名申少師所署

水贖亘長渠靈巖傍隱居
案頭高士傳壁上相君
書俞座洞庭橘供厨笠澤
魚投瓜吾不惜所望在
瓊琚

夫差廟

短墻茅屋下伏臘祀吳王
雞黍村醪薄龍舟水殿
荒採香空有徑響屨已無
廊不及行人廟金鋪照

夕陽

同周汝賢公美遊車溪菴

空門元寂寞此地太莊嚴
白石三重城青蹠百步
欄藤蘿隨樹減窗戶傍溪
添客有高陽侶壺觴且
莫戀

曠八日偕友飯漁公房

禪臘今朝是他鄉訪贊公
趙州茶不徹廬岳酒元
空筭賤知冬煖秔香十歲
豐相邀同俟佛年少有
周顛

還家

鶴李復松陵歸來肺病增吟風滿院葉背日半池
水數口饑如鶴微軀瘦似藤釜中魚可掬安用說
年登

與趙凡夫僧梵可山中看野燒

空山看野燒點點照邨田客指星依草僧誇火吐
蓮斷時疑隔水聚處欲薰天却憶征西卒烽高夜
戊邊

春朝燕客

飄風中夜吹晴旭轉青陽留客嘗春酒開樽坐草
堂心徒懷犬馬力豈扼豺狼堪笑管巢燕年年遶

喜雨

喜雨

秋冬皆苦旱春雨乍冥濛仰先占月鳴條更藉
風絲絲楊柳外點點綠池中萬類含生氣因之感
化工

簷聲竹點滴階溜忽逡巡卜驗何其驗祈龍亦有
神浮舟通瀨淺投綆得泉新西澗梅花少催呼看
樹人

茸澗徧郊墟村村出荷鋤忽看盤有菜不歡食
魚入夜沾方足崇朝灑更徐春田預可卜無麥底

須書

輕雷殷昨夜細雨過春城紅杏街頭賣斑鳩竹葉
鳴添泉微作瀑帶雪易爲晴不滿三農望弘羊尚
未烹

山人折梅求余書戲贈

居人三兩姓宛似避秦餘共折梅花贈爭求薤葉
書村童看不識野衲讀皆虛持去茅茨下惟堪飽
蠹魚

登天平山毘盧閣

雪裏躋香閣孤懸卓筆峰佛宮蓮涌石僧榻鳥窠
松摘菜危嵯種烹茶迸水供不能開酒禁莫恠少
來蹤

寄李本寧

敢謂君恩薄休云吏議寬漢宮誰不妬蜀道古來
難伏檻空悲驥當門最忌蘭長安塵土暗莫更說
彈冠

冥漠憐殤子漂零歎逐臣一官如逆旅數口傍門
人命豈文章達家偏仕宦貧楚江鷗與鷺從此日
相親

俞舜卿齋中看玉蘭同鑑安正士足

風日今朝好名花出郭看人同謝砌玉樹托楚江
蘭素艷宜新月微香帶薄寒啣杯問二朗可似白
旃檀

答鄒彥吉卧病虎丘見寄

百里來相過名山好養病鐘聲到枕近幡影入窗
多坐石花疑雨臨池墨是波試嘗甘露水服散較
如何
綠荷禪房寂啼鶯喚起遲何妨司馬渴揔賴法王
慈蓮社容携酒蒲團不廢詩慙非同調者衰晚荷
相知

張叔廣輓詩

躡道青天上戎麾赤日中心元期馬革命遽殞吞
叢鶴與人俱化龍將劍並空邯鄲歸旅櫬夢逐呂
仙翁

青袍爲散吏白馬善談兵鷄肋何須戀羊腸豈可
行蓋棺身不在鞞鼓賊方平幕府軍書上論功隔
死生

許元祐邀同胥江雨泛

仙侶同舟集佳人對酒歌已占星好雨卽恐陸
河麋鹿蘇臺草魚龍震澤波楚宮消息至赤子半

操戈

名士推玄度嘉賓豈仲宣青山浮几席紅粉在樓
船鳥啄含桃破魚烹石首鮮謬當鄉祭酒衰晚愧
群賢

贈趙山人

王孫不肉食甘老北山薇無復珊瑚玦空餘袒褐
衣青苔生石榻白鳥入柴扉身上丹砂氣雲中煉
藥歸

苦雨

浮雲方蔽日洪水忽稽天架木支橋斷囊沙補岬
穿稻稀苗似髮藕爛葉如錢鷄犬村村寂農家半
在船

去秋先苦旱今夏復愁霖日日憂天漏家家恐陸
沉鳩長呼雨舌葵卷向陽心且買蹲鴟種聊堪免
歲使

終夜雨何如池波一尺餘祇須防墊溺非是好樓
居蔬貴渾如肉舟多可代輿無由覩白日難晒腹
中書

禱雨更祈晴田家信五行捕魚添結網賣犢罷催
耕苦菜墻頭出群蛙竈下鳴更聞搜粟使早晚出

都城

百花巷

初地傳雙樹精藍號百花城門齊女路水曲梵王家廬岳休携酒恒河正聚沙毘盧如可現香閣貯雲霞

送莊秀才還閩

遠依嚴僕射來客羽人宮殿角松陰冷鄉心荔子紅火分丹竈裏書寄藥函中勿作匆匆別秋光在桂叢

管建初以家難遊吳門

一點蜻蜓舫圖書到處隨自甘同閔損不敢怨驅姬隔水思桃葉臨風咏柳枝已知身是夢曾宿呂翁祠

十六夜山中對月

山中今夜月未減昨宵圓高嶺過疎雨空潭浸碧天遠枝無定鵲抱葉有哀蟬何用清商樂松風代管絃

寄趙仁甫

碌碌何爲者衡門亦可棲二毛侵髻短五柳拂簷齊藝苑推牛耳玄詮托馬蹄春風負桃李不肯使

成蹊

蔣將軍邦士輓歌

漢廷諸將帥李廣獨難封起自百夫長貧如一老
農罷官無惹艾殉葬有芙蓉空抱英雄恨何由勒
鼎鐘

李將軍錫庸刳股詩

萬里征東將聞烏痛北堂易刳油處肉難續斷時
腸跨馬常流血提戈日裹瘡朝來覽明鏡玄鬢忽
成霜

沙山訪雪浪恩公

紅葉霜林下來尋遠法師檀那爭設供弟子叢相
隨法諦雖然重名根揔未離還須遊物外同結白
雲期

已成阿育果更覓許詢遊江寺芙蓉晚山城榭葉
秋衣從聖母賜偈為野人留試問山中石何年復
點頭

郝仲輿縣齋對菊

偶停江上棹正值菊花秋不負幽人興無逢地主
留觸衣驚艷落把酒覺香浮何必東籬下南山滿
縣樓

誰道神明宰曾爲夕拜郎不言焚諫草且共采寒
芳葉密逢冬煖花繁避早霜只同桃與李清冷在
河陽

恭讀 冊立皇太子詔志喜

前星光忽耀詔墨乍淋漓舞象年雖過乘龍禮正
宜長君元是福明主本無私社稷今方定華夷御
聖慈

送顧長卿之廣西憲幕

桂林天萬里王事敢辭勞薄宦如鷄肋名家起鳳
毛漢官行露冕蠻女出持刀何處瞻親舍吳雲爲

首出

月夜放舟孫世延載酒送至天妃宮爲別

將軍夜送客月裏渡滄濱潮洗天河白燈籠海樹
青劍鋒寒似雪船火聚如星更遣吹長笛魚龍挾
浪聽

中游上海

海內風帆舊旅巖俗尚仍海隅先受月潮水不成
水菜昔知沙嗜魚多似歲登東人杼軸盡何事稅
地增

殊勝寺重逢後上人

重逢渾不識問是舊支郎衣鉢只如水頭顱漸有
霜一龕依竹色終日對湖光亦欲持巾拂隨師事
法王

送于文若尚寶遊西湖

乍過吳苑雪又向越江春野服惟將子征途亦避
人頰椒浮蟻淺折柳聽鶯新和靖荒祠在無忘薦
綠蘋

飲俞舜卿齋中

花朝花寂寂晴日看揮毫白髮流光速青山傲骨
高憂來傷舐犢興淺罷持螯君但稱名士啣盃讀

楚騷

約呆公入山看梅至則已先去矣

何處携筇去千峯不可尋掛瓢香滿院倚杖雪成
林詩可清人骨禪能解佛心但教長忍辱安用入
山亦

送曹能始遊洞庭

洞庭山水窟君出訪仙丘種橘輸王賦烹魚待客
遊峰巒分異縣雲樹隔中流欲覓鴟夷子煙波明
釣舟

仙洲園爲淄川韓中丞賦

澧水湯悠悠房櫳映碧流扁舟狎魚鳥萬竈散
豨海上無三島人間有十洲自拋簪紱後幾處
京遊

擊汰蕩虛空泐洄曲曲通樓臺疑鏡裏山水
中開燕常浮白聽鶯過落紅不妨無女樂魏絳
和戎

送張孟奇北上

涼風池上起木葉忽紛紛水氣含秋潦山形減
雲名非因狗監書自重鵝群今日西厓靜無
蜀文

蔣子才登岱

玉簡瘞松根秦松已不存聞鷄登日觀策馬向天
門海氣成霞易山形讓嶽尊幔亭何處是回首望
鄉園

張甥原明復十世墓詩以頌之

累世松楸地何人毀墓垣黃金不可動白骨幸
存狐兔除新穴鴛鴦復舊墩墓地名賴君能雪

名不忝慈孫

過烏鎮懷顧孟先

雙塔中天起千家夾水居桑稠衣盡蒲葑廣

魚里過青驄馬門懸白鷺車故人此雲臥
踟躕

瑤山寺贈詩僧念空寺爲皎然焚草處

霜林黃葉路古刹自唐年殿冷面溪水樓窳坐野
煙捨身居士願禁足老僧禪小朗詩如玉遺風詞
皎然

璉市九松

路傍荒草裏宋代九林松老幹將成石蒼鱗欲化
龍雖當國史墓不受大夫封我所思安在浮雲隔
岱宗

泊新市

風俗非吾土居人盡越音重連千室廣溪合衆流
深白社僧行腳青樓妓捧心賣絲兼糶穀聚歛貢
黃金

謁三賢祠祀宋劉文節公光祖游清獻公侶
吳少師公潛

異代表名賢荒祠古道邊門欹樞半缺屋壞瓦俱
穿甌石爲華表寒雲當几筵無僧供灑掃香斷墓
鑪炮

祈公樓讀陳從訓題壁詩

故人一分手題字尚依然白髮非前度青山又十年
寺寒門對水僧老目生煙同是登樓客元龍與
仲宣

與俞羨長程彥明陳旃父同遊龍井

林暗竹紛紛頻驚虎豹群
龍泉飛暮雨片石可移
雲池煖水未合峰陰日易
暝年豐人善飯此德在
龍君

鹿苑莊嚴好龍宮棟宇間
塔浮林杪出湖向寺門
來日短客欲去雲深僧乍
回陶公雖一到亦未許
啣杯

武林將歸卓茂先諸君至復遊湖上

已別名山去同心舊侶來
便催携酒出不聽捲書
回月皎湖更碧霜輕菊尚
開十年遊一度能不少
徘徊

同茂先諸君遊靈隱寺

冷泉亭下寺一到一回新
載酒經寒日看山似故
人三生談舊事一衲悟前
身此意支郎解相逢幾
淨因

唐栖

一橋連兩邑遠水帶蕪葭
野老言如絮溪煙幾

瓜扈分漁父業墟列餅師家此地今無盜澤邪
滿車

昭慶老僧

掃地焚香坐禪房晝不扃湖光射眼碧山色聚眉
青餅裏楊枝露窗間貝葉經無勞問僧臘階樹老
亭亭

答陸聚常山人

谷口皆樵客詞人有陸郎瓦燈穿鄰榻蓬戶及肩
墻露冷豆花碧山空松葉香秋來風日好不惜共
壺觴

喜徐聲遠客余山齋

閒雲無定迹何乃泊吾廬經月不出戶有時還著
書畏人心似鹿佞佛食無魚孺子千年後徵君亦
姓徐

惠山汲泉

不禁洵渴甚艤棹汲名泉火乞山村下茶烹親
前瓦錯炊細浪木榻颺寒爐啜罷清人骨船窗
不眠

答通公時將歸楚

袈裟訪隱淪三度意何親門者非如鬼墻東

人難超是恐辱易起在生嗔滿載湘溼丹慈
白蘋

初度日諸山禪侶並集以詩代偈

初度高僧集焚香禮梵王聽經魚潑刺施食鳥飛
翔庭樹爲龍樹林堂卽鴈堂已觀身是习不闕海
生桑

寄雪浪恩公

一衲掛何處思君腸九迴散花天女去持果野人
來潭月曉猶白山雲午未開心元無所住莫問鳳
凰臺

贈何九賢

一行爲小草未敢薄微官驥足那能展雞群且自
安繭絲王事迫荆棘世途難九日無黃菊南山客
裏看

九日懷家姪

風雨瀟山城重陽喜乍晴香蓮逢閨菊聲遊過秋
鶯客難東方朔兒婚向子平登高懷小阮把酒共
誰傾

寄文文起讀書竺塢

高視風塵表無心與俗諧携書入深谷把菊坐

齊月皎千峰出雲生衆壑埋因之可觀遺何月更
澄懷

丙舍墓田畔悠然遠世紛偶隨麋鹿伴未離鳳凰
群縛帚掃黃葉開簾放白雲墻東難避客吾愧不
如君

九日懷蔣子才客都門

易水悲風早閩山歸路長車行須避瓦屨出耐經
霜牛馬沉都市魚龍入苑墻菊花皆爛死何處過
重陽

許覺父讀書天池

揚書栖殿寺一室自年年聽泥蓮花斷翻經貝葉
穿飯香分烏食衲冷共雲眠匡壁何須鑿禪燈在
榻前

懷顧朗生

未得秋來信題詩問所親已遭秦逐客還作晉書
人結駟從他貴感鷄寧自貧如何多難後猶不畏
風塵

可憐張儉老作客久栖栖餽口戀鷄肋全身忘馬
蹄黃金散爲水綠酒醉如泥何似圖歸計千山此
杖藜

與文文起兄弟田畱兩兒踏月過賀九嶺

坐久出門去不知山月斜大聲寒似豹樵徑曲如
蛇林響落松子露香垂豆花夜分前嶺別還欲扣
僧家

答葛公旦

十年嗟別久三度寄書頻家但餘青史身還比絳
人薄糜舖代藥落葉掃供薪欲報明珠贈其如管
仲貧

宋獻孺見過

園林搖落後掃石聽松聲口短語難盡客多情未
便投金過楚瀨懷玉抵秦城北海忘年友誰如禰
正平

送徐太學歸金陵

有客來池上停杯問虎丘名山藏劍在高士裘糧
遊凍樹連雲合寒江帶雪流秣陵花月地此去當
并州

慧公偕取象使者入燕至吳門別去

相約同千里相捐未半途不隨歸國象畏遜聽來
孤野寺重敲月寒江又折蘆自堪依佛地何事入
皇都

春雪懷田畧二子於山中

雷霆收頃刻，雪霰忽交加。
寒暑漫無序，陰陽皆逆差。
龍蛇難再蛰，桃李不成花。
苦憶空山夜，西風卷絳紗。

一雷還一雪，春事恐蹉跎。
山色窗中換，泉聲竹外多。
衣仍添故絮，扇且擲輕羅。
正好携書讀，門無車轍過。

清明日行園

清明風日好，小圃獨徜徉。
隣火榆煙碧，山厨杏酪香。
桃花隨畫扇，蝶蝶近羅裳。
此樂非吾有，西齋看

海棠

集陳誠將宅

芳辰過良友，粉堞帶衡門。
惟石紛充案，竒松翠滿盆。
自開桑落醞，不問杏花村。
紫陌紅塵客，何如此悟言。

朱居士禪室

聞道維摩室，名香與佛燈。
出家何必寺，有髮不妨僧。
門映臨溪柳，牆垂蓋瓦藤。
願言持半偈，就爾證三乘。

對雨

江南元瀟瀟夏雨益沮洳噉麩憂無麥烹鮮喜得
魚漏頻移枕席潤恐泄琴書門外泉橫道偏勞長
者車

未到黃梅候朝朝雨不晴葉垂難宿鳥草腐易爲
螢古壁流雲氣虛檐走澗聲晚來池上坐新漲與
橋平

大兒淹枕上幼子滯山中假蓋人難到褰裳路不
通朝糜徒自給夜火與誰同幸免河魚疾無憂山
鞠藁

雨中寄燈公

積雨僧房寂花間水清睡
降分鄰院蜜燕補舊巢
泥嫩竹竿竿綠新桐葉葉齊晴來看新漲小艇過
橋西

祝無殊重過

四五年前別三千里外遊漢陰仍抱甕吳市只披
裘夢覺墜中鹿機忘海上鷗笑他蠻與觸終日事
戈矛

贈雙塔寺老僧

稻田門外種香積飯能供
雖剝微霜髻弊虧蒲月
容雲生窗裏塔風度水西鐘僧臘何須問庭柯

倦龍

與田畱池上對月

秋月皎如晝呼兒池上看占星知不用池露怯初
寒肝膽羞長鍊頭毛稱小冠忘饑有綠水何必問
加餐

晚涼成久坐河漢忽西流月出聞吹笛人扶嬾對
樓一經垂燕翼三畝卜菟裘機事何須論都將付
海鷗

夜坐懷周公美客豫章

永夜懷知己中庭起攪衣吳門經歲別滕閣幾時

歸露冷蟬聲咽月高螢火微遊鱗共飛羽尺素一
何稀

石湖秋泛

湖波清且淺蘭漿鏡中行病葉早先脫殘蟬暑更
鳴公家僻處記田舍桔槔聲一任催科急備書可
代耕

白露日雨

五行占水旱此說自田家白露不宜雨青苗空著
花燃箕皆煮豆抱蔓乍除瓜今歲污邪薄都愁米
滿車

蠡口

五湖從此在天際一舟輕不待黃金鑄先將粉黛
行已拚身去國何慮貌傾城余亦煙波侶千秋仰
令名

溪行

秋水帶林廬湖村好卜居
綿蕭收浦蟹採蓼藥溪
魚孟浪田家卜侏離童子書
土風如太古不忝上
皇餘

苦旱

桔槔聲徹夜秋水日涸涸不斷一衣帶難浮十斛

無飲河皆是土汲井欲生煙幸少催租吏元無負
郭田

贈雲隱澄公

悠然秋色裏終日坐閒房窗外遠山碧階前落葉
黃但持觀刈偈不問養生方我亦維摩詰同師禮
藥王

臥病

清秋風日好病骨轉交離僧到談名嶽醫來乞上
池避人全鹿性知命免狐疑造化誠何物居然

小兒

往往題凡鳥呼童只閉門
支床忘旦夕服藥常來
食西舍工登壘東隣善乞
播空餘病摩詰隱凡何

無言

一月不出戶草深廳事前
帶寬童子笑食少侍兒
憐藥負韓康價囊空趙壹
錢休教罷穢子妨我北
窗眠

塞下傳書至寒帷枕上看
贈貂知畏冷憑雁問加
餐長物爲身累虛名掉臂
難已觀生是习安用覓
金丹

九日病起

病起梳頭坐欣逢九日晴
菊如人也瘦酒比聖之
清皂帽寬頰側青藜曲更
輕且迴門外轍未可事
將迎

贈洞庭山人

徒然吳市客未識洞庭山
羨爾農桑者長居雲水
間得魚携酒去賣橘取錢
還誰道龐公老年來鬢
未斑

病後登上方寺感事

亭外湖光好人扶強一登
自傷遲暮叟不識少年
僧滯鬼祠無謂妖巫術可
憎讓王空至德風雨廟

垣崩

合流菴僧

如斗安禪室孤僧足
僅容入門先摘豆
乞火更燃松雙澗
東西合群山遠近
重倫兒將衲去何以禦嚴冬

李貫之舟中問病

客星占未遠
烟烟動江天
落葉多如雨
寒山半在船
枕中蝴蝶夢
帆底蠶魚編
若箇同枚叔
教君病霍然

雲隱菴訪顯公回過鑑上足問病

香刹綠溪濱
支公意獨親
不知龍樹老
又見雁堂新
寒日如半日
遊人無一人
相携問小郎
跏病在西隣

小園今春百舌不來

春來高樹上百舌
杳無聲何處啼
殘月誰家叫
五更落花風寂寂
飛絮雪盈盈
翻惟幽窗女
繡鬢學早鶯

盜劫賀九嶺僧

嶺上招提寺
春來始一燈
綠林何太暴
白社不容僧
晝盡雲生鉢
宵寒月是燈
此中無可欲
錯認漢

諸陵

松下

松下堪箕踞衣裳翠欲浮
雨多梅乍熟氣爽麥方秋
短刺懷將敝長裙曳且休
如何高尚者俛首事王侯

小園枇杷

隔水枇杷熟朝來獨倚欄
莫教禽竊食留與客同餐
旋摘黃金彈頻傾赤玉盤
炎風天外至聊當荔枝看

哭安茂卿

不忍頻開篋看書
淚痕攀帷憐桂子上食荔枝
根藥悞無非命香悲不返魂
平生幸舍客誰在孟嘗門

丹旄悲風動空堂
生暮雲母喪猶在嬪
兄骨未歸墳地下
烏還哺人間雁失群
匣中惟一劍安忍負徐君

送趙國定還閩

五月黃梅雨江流與岸平
還鄉七載後作客一身輕
荔子紅垂戶蕉陰綠滿城
不如歸去好請聽鷓鴣聲

野步

野步青絲屨逶迤一徑斜竹陰深障日草色淺平
沙紅袖遊春女青旗賣酒家禪房幽且潔處處有
梅花

雲中孤磬出知是有浮屠雪霽山逾綠冰消水更
枯伊蒲分佛供叩竹代人扶地僻無車馬惟聞鳥
雀呼

遊慈雲金井二菴

齊女門前路東風草色新紅塵不到處白社自成
隣野薺挑爲菜枯楊伐作薪僧家俱好客炊黍不

辭貧

雨後寄袁應宸

大雨不出戶思君嘆索居先生苜蓿飯童子蝨魚
書破廟精靈古空庭人跡疎朝來知洗硯門外屣
成渠

水西庵偃松齋

老樹影離離清陰度綠溪隔牆看鼠窟開牖聽鳥
啼覆殿枝皆曲垂簷葉自低到來箕踞坐不問水
東西

感懷

四顧皆成壑出門安所從
賜租懷盛代餐粟望群
公野鶴如人瘦秋茶與政同
君王仁且聖覽既
卹民窮

紫微花下

小園秋暑後池上紫微開
影密魚爭聚香微蝶不
來朝吟霞入牖夕對月浮盃
尚憶絲綸閣看花日
幾回

送真公入都造藏經

日月湖邊寺年來久不過
師今建龍藏將以鎮餘
波去乞青趺施歸須白馬
馱衲衣無乃薄燕地雪
霜多

天池訪清泉沙彌

破寺蓮峰下來遊信杖扶
年饑僧不瘦石冷樹先
枯菊對客數本泉供佛一
盃呼僮掃紅葉煮茗出
山厨

文文起竺塢草堂

携家住空谷嵐翠滿衣襟
飛鳥不能到時人安可
尋看雲坐高館送客度遙
岑莫過前峰去紅塵
迹深

送錢長風遊秣陵

秣陵凋敝久君去欲誰依木落盧龍觀江空燕子磯
備書償藥價賣賦製寒衣未可披肝膽平原世所稀

餽口

餽口無他策備書老不停何人非菜色滿市只魚腥
爨冷煙皆白挑殘薺不青子雲貧次骨空守太玄經

哭雪浪恩公

白社高僧去何人復種蓮殘經塵榻上遺偈竹房前
法苑亡靈一詩林夫皎然賜衣從 聖母空向

影堂懸

頽此僧中寶人天共慘悲空門喪龍象未法任狐狸
我老真慚許師名不愧交平生幾書札開篋淚淋漓

雪

對雪惟高卧城居類遠村一床書似舊三寸舌空存
竹葉鷲猶嫩梅花開未繁寄言洛陽令不必種

柴門

人日

燕喜逢人日詠諧比歲星家貧元次骨客醉德

形舊種陶公柳新成楊子亭莫思身外事把酒共
沉寘

定源上人輓詩

舊榻松窗下凝塵滿素屏蟲侵題處偁身汗讀殘
經誰續傳來法空圖病裏形欲觀生滅相門外遠
山青

送陳惟秦還閩無寄汝翔

遊吳不得志澤國正凶年客舍彈長鉞鄉人贈俸
錢麥秋歸粵路梅雨渡江船叔氏如相問王家只
舊壘

寄邵叅軍

扶桑東望近萬里見三韓海錯千家飽潮聲一縣
寒魚腸知利器鷄肋守微官莫道鯨波息陰符且
更看

江月軒

層軒先得月清影落紛紛白映巴江雪寒連玉
雲蟾餘當戶近烏鵲隔林聞常照樽中綠憑欄
夜分

賣帖

右軍書快雪藏去已多年不惜籠勢字將來

田貧家安得有神物任流傳洗硯池頭水朝來也
澹然

與趙凡夫文文起遊北峯寺

禪宮殘照裏策杖共盤桓松色依巖瘦峰陰背
寒雲生佛面碧秋入客衣單莫道龍鍾甚登臨興
未闌

周公笑自閩中歸得孫

客裝何必問蒲篋摠新詩扇代題蕉葉囊盛餉荔
枝到家方獲稻入室便含飴况值鱸魚美潯泝綠
酒卮

贈宗異姪

尚憶兒童日俄然向暮年半生惟做廡一子更遊
燕以病憐吾老因貧見汝賢不愁塵滿甔斗米欲
三錢

遊瑞光寺

九日晴偏好尋僧入鴈堂青山橫遠樹紛蝶過危
橋掃後林逾靜薰來塔尚香豐年定可卜禾黍几
穰穰

清涼臺

千古南朝寺崔嵬百尺臺江流天墜去潮打石

題官闕參差見峰巒擁抱來上方觀下界蒼翠
雄哉

贈陳翁

澤官高廡下借汝作幽居城上寒山近庭中落木
疎神仙起居法方士養生書縱未能冲舉塵緣亦
漸除

贈靈巖老僧

欲知僧臘古霜髯剃來稀勇折強梁服仁看誓信
歸廩廊荒草合香徑野禽飛一卷殘經罷寒雲滿
衲衣

哭吳幼元

雀羅門太冷重過不勝悲因病無書問與君長別
離愁多渾是結淚盡不成絲莫道遺孤藐能安祚
累甚

送蜀僧載旃檀佛還峨嵋

巴江春水漲一舸疾如飛雪映新金像雲寒舊衲
衣鳥電呼佛現松老見僧歸正及豐年好無愁乞
食稀

冬日深栖菴訪僧

衝風出北郭巖棹共尋僧枯樹仍生菌顏垣尚

藤鳥饑窺佛飯
蠅凍觸禪燈
欲寫屏間得
天寒筆
研水

穀日過悟中上人

人日與穀日晴光滿
化城年豐僧飯足
地淨佛香清
施食看魚聚
安禪聽鳥鳴
鄰峰期看竹
同過虎溪行

春寒

歲首寒逾甚
看梅出未能
山餘夕陽雪
池賤隔年冰
老至詩名減
春來酒價增
南樓晴色好
十日不曾登

入山看梅

一入青山路
村村盡是花
點衣香不散
拂杖雪交加
寒犬聲如豹
枯藤影似蛇
待看春水綠
數口共移家

水落

水落春江淺
寒流不到城
溪乾難進舫
井竭罷操鑿
蜂有尋花隊
鳩無喚雨聲
陌頭遊冶客
裘馬喜春晴

霧中梅

山色蒼茫裏
梅花里渺溥
浮嵐成細雨
陰霧

寒風定香微吐煙凝雪不乾
朦朧疎影淡暎銀
中看

夫差廟

君王昔圖霸吞越氣何雄
身失千年國神栖半菽
官冕旒茅屋下俎豆土垣中
西子畱遺像居然祭
祀同

陸履素先生挽詩

玉樹埋黃壤金門失歲星
篋中封禪草亭上太玄
經未掛延陵劍誰書有道銘
空慚磨鏡客墓草出
青青

我來靈隱寺師已入新安
惟仗一孤錫重過十八
灘掩關聽鳥樂持鉢傍人難
慧劍須拚割書來莫
厭看

遊石屋逢貝林師

天目安禪久秋來暫出山
雖經數載別未改舊時
顏林密虎當路日高人閉關
又披殘衲去余亦從
東還

昭慶寺逢坦然師

朝吳還暮越一錫任西東
不漱齒俱落無聞耳更
充但將經對月誰道葉吟風
老去捐衣鉢

累空

法相寺

金剛身不壞古佛已千年漫道面流汗惟看耳及
肩竹深秋食笋湖近果裝蓮得入清涼境無風亦
爽然

秋暑

無處逃秋暑暫留湖上居客來真襍襪僧語未空
虛揮汗頻携酒科頭強索書涼風北窗下回首儘
吾廬

瑪瑙寺

瑪瑙開林日瑠璃蓋殿年庭留脩寺記肆入賣經
錢香冷過巖桂紅稀落渚蓮遊人催斫鱸隔水喚
漁船

別周本音

旅食同蕭寺淹留過月餘祇緣遊典劇不覺往來
疎冠蓋嬾生客琴樽憶故廬先歸吾已倦臨別更
躊躇

將歸阻雨

窗外蕭蕭雨征夫愁未歸聽來疑落葉起坐欲添
衣身逐孤雲任心隨去鳥飛故園雖入夢

依稀

期堂菴

暫泊唐栖棹澄波看晚霞偶行桑柘路來到菴前
家水落秋將暮天寒日易斜匆匆辭老衲無暇同
河沙

訪朱文寧太史

請沐還家久持螯把綠醅起居何所注講幄未曾
開莫作焚魚計難淹倚馬才碧山雲臥處還許故
人來

寄華嘉吉

延詩問寒雁何日向西征雪作巴江水雲為劍閣
程官清看馬骨暑冷聽猿聲叩竹堪扶老能忘寄
友生

至日

令節兒孫聚盤餐味稍無數莖霜鬢短一綫日光
添性癖親魚鳥家貧計米鹽南簷風日好炙背捲
疎簾

魏開之過訪

歲暮遊吳越揚帆下洞庭還乘剡谿雪來過子雲
亭凍樹迷征路寒雲隱客星故山何處是天陰

峰青

水西菴訪鑿淵上人

春日訪招提名僧在水西蜂成新釀蜜燕補故巢
泥野草臨窗近松陰覆殿低勿忘精進力定與佛
肩齊

題觀上人雲牖

宛似栖空谷蕭然遠俗情閉門蒼蘚合掃地白雲
平折足與何古無絃琴更清花間朝洗硯知是偈
初成

答周公美見懷時余已決策入山矣

入山方恨晚卜築豈辭勞
夢落吳江冷詩來郢雪
高引藤牽薜荔索子種櫻桃
莫恠無供具相過把
濁醪

盛堯民脫裝葬其師蔣子健詩以美之

不道腰纏溥揚州跨鶴還爲師埋白骨解廩買青
山通國推高義同門愧厚顏
美君敦末俗我輩不能攀

壽栢林和尚八十

一着田衣後都忘歲月遷
鏡中頭有雪庭下樹參
天棄杖身猶健餐葢齒尚堅
不嫌經字小夜讀

登前

贈含宗僧

坐卧閒房久階前草欲平已空人我相安問去來
生蒼荀林雖古芙蓉塔漸傾莫忘阿育果還擬聚
沙成

送王德操遊越中

病骨清羸甚胡然賦遠遊微雲開列岫明月在扁
舟容路茱萸早家山蟋蟀秋誰能如仲舉掃榻待
南州

贈朱山人

青山稱隱士自昔作遺民麴蘖老猶好旗槍業不
貧沙彌爲弟子想豎半門人我已離城市因君乃
卜隣

孫汝師移家顧山

賣宅歸同姓移家傍所親山光茅屋小竹色土墻
新鷄犬分三邑桑麻滿四隣扶風豪士氣金盡不
言貧

懷中師結廬西山

築室入幽林脩然出世心洗瓢寒澗碧掛衲暮雲
深葉落迷行迹山空度梵音身如松與栢不畏風

霜侵

寄問陳從訓病

歲暮聞君病相思會面難閉門霜葉下伏枕夜潮
寒不朽千秋業長生九轉丹仙山何處是聊向書
中看

正月初六日雷

雷霆何太早風雨日蕭疎漫信天文志難憑月令
書林鷺定巢鵲池躍負冰魚我欲從詹尹山中問
居

簡杜仲嘉

吾上豈不羨胡爲走四方空彈馮煥欵誰治陸生
裝餽口丹青筆澆愁鞠藁觴雖云塵滿甌旅食勝
他鄉

贈汪耐菴羽士

玄都老道上齒髮近何如騎鶴身元瘦餐霞腹久
虛金丹度世藥玉笈養生書已謝門前轍青苔不
掃除

賀九嶺與田畱登高

具王當九日於此燕群臣黃屋名猶在青山遂已
陳儻租憂厓政把菊想幽人吹鬢西風急呼兒正

角巾

送承謨姪之清澗丞

楚籬方把菊秦邑又哦松
骨肉三五口山川幾萬
重汝官猶蠖屈吾老漸
龍鍾極目西飛雁斜陽
佇短筇

過文啓美碧浪園

携書出郊墅正值清秋時
綠水流當戶黃花開滿
籬曉吟蘿月白夜讀芋
帷緇莫負三年學飛鳴在

後期

時方
下第

田兒齋中盆蘭十月後花
命酒晚坐

十月衆芳歇幽蘭獨吐芳
疎花猶的礫密葉更氣
氳細雨携樽近寒香與
菊分還同謝庭下玉樹
共為眸

送蔣道圭還闕

博物爲君子探奇卽散人
襟期出霄漢蹤踪溷風
塵徑豈千竿竹交能二
仲親武夷吾欲往與爾
共尋真

贈錢孺林

行路何須問人情重可悲
空慚孝標論誰顧彥升
兒易主田疇去無媒婚
嫁遲勉旃勤世業覓食

鐵基

君爲叔竇
先生孫

元夕張夷甫螽斯閣燈燕

飛閣厭厭飲春宵玉漏長丹青百子畫燈火九枝
尤蟾魄如銀白鷲兒似酒黃多男端可卜仁術比
長桑

南有堂詩集

卷之五終